

REGLUGERÐ FRAMKVÆMDASTJÓRNARINNAR (ESB) nr. 570/2012

2013/EES/20/30

frá 28. júní 2012

um breytingu á II. viðauka við reglugerð Evrópuþingsins og ráðsins (EB) nr. 1333/2008 að því er varðar notkun bensósýru – bensóata (E 210–213) í óáfengum hliðstæðum við vín (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1333/2008 frá 16. desember 2008 um aukefni í matvælum ⁽¹⁾, einkum 3. mgr. 10. gr. og 5. mgr. 30. gr.,

og að teknu tilliti til eftirfarandi:

- 1) Í II. viðauka við reglugerð (EB) nr. 1333/2008 var sett fram skrá Evrópusambandsins yfir matvælaaukefni sem samþykkt hafa verið til notkunar í matvæli og skilyrði fyrir notkun þeirra.
- 2) Breyta má skránni í samræmi við málsmeðferðina sem um getur í reglugerð Evrópuþingsins og ráðsins (EB) nr. 1331/2008 frá 16. desember 2008 um sameiginlega málsmeðferð við leyfisveitingu fyrir aukefni í matvælum, ensím í matvælum og bragðefni í matvælum⁽²⁾.
- 3) Samkvæmt 1. mgr. 3. gr. reglugerðar (EB) nr. 1331/2008 má uppfæra skrá Evrópusambandsins yfir matvælaaukefni, annaðhvort að frumkvæði framkvæmdastjórnarinnar eða í kjölfar umsóknar.
- 4) Umsókn um leyfi fyrir notkun á bensósýru – bensóötum (E 210–213) sem rotvarnarefnis í óáfengum hliðstæðum við vín var lögð fram og hefur verið gerð aðgengileg fyrir aðildarríkin.
- 5) Þessar óáfengu hliðstæður við vín eru framleiddar með því að fjarlægja alkóhólíð úr víninu eftir gerjun. Til að koma í veg fyrir seinni gerjun í flöskunni eru notuð sorbínsýra – sorböt (E 200–203) og síðan er gerilsneyðing nauðsynleg. Gerilsneyðing breytir hins vegar og brýtur niður náttúrulegan aldinkeim og -ilm afurðarinnar. Ef bensóötum er bætt er við hafa þau samverkandi áhrif með sorbötum og bæta geymsluþol og draga úr þörf fyrir gerilsneyðingu.
- 6) Óáfengar hliðstæður við vín eru kynntar og markaðssettar sem valkostur í stað víns fyrir fullorðna sem kjósa að drekka ekki áfenga drykki. Neysla á þessum hliðstæðum

kemur ekki í staðinn fyrir neyslu gosdrykkja. Aukin váhrif af völdum bensósýru – bensóata (E 210–213) á grundvelli þessarar nýju notkunar verða því áfram takmörkuð og munu ekki leiða til þess að farið verði yfir viðtekinn dagskammt sem vísindanefndin um matvæli⁽³⁾ ákvarðar. Því er rétt að leyfa notkun bensósýru – bensóata (E 210–213) til að rotverja óáfengar hliðstæður við vín.

- 7) Samkvæmt 2. mgr. 3. gr. reglugerðar (EB) nr. 1331/2008 skal framkvæmdastjórnin leita álits Matvælaöryggisstofnunar Evrópu áður en hún uppfærir skrá Evrópusambandsins yfir matvælaaukefni, sem sett er fram í II. viðauka við reglugerð (EB) nr. 1333/2008, nema þegar uppfærslan, sem um er að ræða, getur ekki haft áhrif á heilbrigði manna. Þar eð leyfi fyrir notkun á bensósýru — bensóötum (E 210–213) sem rotvarnarefni í óáfengum hliðstæðum við vín telst uppfærsla á þeirri skrá, sem getur ekki haft áhrif á heilbrigði manna, er ekki nauðsynlegt að leita álits Matvælaöryggisstofnunar Evrópu.
- 8) Samkvæmt umbreytingarákvæðum reglugerðar framkvæmdastjórnarinnar (ESB) nr. 1129/2011 frá 11. nóvember 2011 um breytingu á II. viðauka við reglugerð Evrópuþingsins og ráðsins (EB) nr. 1333/2008 með því að koma á fót skrá Evrópusambandsins yfir aukefni í matvælum⁽⁴⁾, gildir II. viðauki, þar sem komið er á fót skrá Evrópusambandsins yfir matvælaaukefni sem samþykkt eru til notkunar í matvæli og skilyrði fyrir notkun þeirra, frá 1. júní 2013. Til að unnt sé að leyfa notkun bensósýru - bensóata (E 210–213) í óáfengum hliðstæðum við vín fyrir þessa dagsetningu er nauðsynlegt að tilgreina fyrri gildistökudag að því er varðar þessa notkun matvælaaukefnisins.
- 9) Því ber að breyta II. viðauka við reglugerð (EB) nr. 1333/2008 til samræmis við það.
- 10) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra og hvorki Evrópuþingið né ráðið hefur andmælt þeim.

SAMÞYKKT REGLUGERÐ ÞESSA:

1. gr.

Ákvæðum II. viðauka við reglugerð (EB) nr. 1333/2008 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á tuttugasta degi eftir að hún birtist í Stjórnartíðindum Evrópusambandsins.

(*) Þessi EB-gerð birtist í Stjtið. ESB L 169, 29.6.2012, bls. 43. Hennar var getið í ákvörðun sameiginlegu EES-nefndarinnar nr. 34/2013 frá 15. mars 2013 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

⁽¹⁾ Stjtið. ESB L 354, 31.12.2008, bls. 16.

⁽²⁾ Stjtið. ESB L 354, 31.12.2008, bls. 1.

⁽³⁾ http://ec.europa.eu/food/fs/sc/scf/reports/scf_reports_35.pdf

⁽⁴⁾ Stjtið. ESB L 295, 12.11.2011, bls. 1.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 28. júní 2012.

Fyrir hönd framkvæmdastjórnarinnar,

forseti.

José Manuel BARROSO

VIÐAUKI

Í E-hluta II. viðauka við reglugerð (EB) nr. 1333/2008 bætist eftirfarandi færsla við í matvælaflökki 14.2.2 „Vín og aðrar afurðir sem skilgreindar eru í reglugerð (EB) nr. 1234/2007 ásamt óáfengum hliðstæðum [áður hliðstæðir, óáfengir drykkir]“ á eftir færslunni fyrir E. 200–203:

„E.210–213	Bensósýra — bensóöt	200	(1) (2)	Einungis óáfengar vörur	Gildistími: Frá 19. júlí 2012“
------------	---------------------	-----	---------	-------------------------	-----------------------------------

REGLUGERÐ FRAMKVÆMDASTJÓRNARINNAR (ESB) nr. 583/2012

2013/EES/20/31

frá 2. júlí 2012

um breytingu á II. viðauka við reglugerð Evrópuþingsins og ráðsins (EB) nr. 1333/2008 að því er varðar notkun pólýsorbata (E 432–436) í kókosmjólk (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1333/2008 frá 16. desember 2008 um aukefni í matvælum⁽¹⁾, einkum 3. mgr. 10. gr. og 5. mgr. 30. gr.,

og að teknu tilliti til eftirfarandi:

- 1) Í II. viðauka við reglugerð (EB) nr. 1333/2008 var sett fram skrá Evrópusambandsins yfir matvælaaukefni sem samþykkt hafa verið til notkunar í matvæli og skilyrði fyrir notkun þeirra.
- 2) Breyta má skránni í samræmi við málsmeðferðina sem um getur í reglugerð Evrópuþingsins og ráðsins (EB) nr. 1331/2008 frá 16. desember 2008 um sameiginlega málsmeðferð við leyfisveitingu fyrir aukefni í matvælum, ensím í matvælum og bragðefni í matvælum⁽²⁾.
- 3) Samkvæmt 1. mgr. 3. gr. reglugerðar (EB) nr. 1331/2008 má uppfæra skrá Evrópusambandsins yfir matvælaaukefni, annaðhvort að frumkvæði framkvæmdastjórnarinnar eða í kjölfar umsóknar.
- 4) Umsókn um leyfi fyrir notkun á pólýoxýetýlensorbítanmónóóleati (pólýsorbit 80, E 433) sem ýruefni í kókosmjólk var lögð fram og hefur verið gerð aðgengileg fyrir aðildarríkin.
- 5) Kókosmjólk, sem er aldinsafi úr innra lagi kókosnetunnar sem er undir skurninni, blandaður vatni og gerður einsleitur, getur ekki haldist í formi ýrulausnar nema notað sé ýruefni. Pólýoxýetýlensorbítanmónóóleat (pólýsorbit 80, E 433) og pólýsorböt (E 432–436) hafa almennt verið samþykkt sem áhrifaríkustu ýruefnin sem eru notuð í þessum tilgangi í þriðju löndum.
- 6) Vísindanefndin um matvæli ákvarðaði í álitinu sínu frá 8. júlí 1983⁽³⁾ að gildi ásættanlegrar, daglegrar inntöku fyrir flokk pólýsorbata (E 432–436) væri 10 mg/kg líkamspýngdar

á dag. Í skýrslu frá framkvæmdastjórninni um inntöku matvælaaukefna með fæðu í Evrópusambandinu⁽⁴⁾ er komist að þeirri niðurstöðu að þörf gæti verið á raunhæfara mati á innteknu magni pólýsorbata (E 432–436) sem byggist á raunverulegri notkun matvælaaukefnanna. Þess er vænst að Matvælaöryggisstofnun Evrópu (hér á eftir nefnd „Matvælaöryggisstofnunin“) framkvæmi þetta mat á innteknu magni meðan endurmat fyrir pólýsorböt (E 432–436) stendur yfir, fyrir árslok 2016 eins og gert er ráð fyrir í reglugerð framkvæmdastjórnarinnar (ESB) nr. 257/2010⁽⁵⁾. Þangað til skal möguleg rýmkun á notkun einungis skoðuð þegar um er að ræða vörur með óverulegt framlag til inntekins heildarmagns af þessum efnum. Inntekið magn pólýsorbata (E 432–436), sem búist er við vegna notkunar í kókosmjólk, eins og það er metið á grundvelli gagna sem umsækjendur leggja fram um heildardreifingu kókosmjólkur á markaði, er mun minna en ásættanleg, dagleg inntaka og mun því ekki leiða til umtalsverðrar aukningar á váhrifum. Kókosmjólkur er ekki neytt víða og varan er aðallega notuð við tilreiðslu á asískum matvælum og eftirréttum. Inntekið magn er metið sem óverulegt og mun minna en 1% af ásættanlegri, daglegri inntöku svo framlag þess er ekki talið umtalsvert. Rýmkun á þeirri tilteknu notkun er því ekki talin hafa áhættu í för með sér.

- 7) Samkvæmt 2. mgr. 3. gr. reglugerðar (EB) nr. 1331/2008 skal framkvæmdastjórnin leita álits Matvælaöryggisstofnunarinnar áður en hún uppfærir skrá Evrópusambandsins yfir matvælaaukefni, sem sett er fram í II. viðauka við reglugerð (EB) nr. 1333/2008, nema þegar uppfærslan, sem um er að ræða, getur ekki haft áhrif á heilbrigði manna. Þar eð leyfi fyrir notkun á pólýsorbötum (E 432–436) sem ýruefnum í kókosmjólk telst uppfærsla á þeirri skrá, sem getur ekki haft áhrif á heilbrigði manna, er ekki nauðsynlegt að leita álits Matvælaöryggisstofnunarinnar.
- 8) Í II. viðauka við reglugerð (EB) nr. 1333/2008 er veitt leyfi fyrir pólýsorbötum (E 432–436) sem flokki þar eð þau tilheyra sama flokki efna sem eru skilgreind sem blöndur hlutestera af sorbítóli og mónó- og díanhýdríðum þess ásamt fitusýrum. Því er rétt að heimila notkun allra pólýsorbata (E 432–436) í kókosmjólk og ekki einungis notkun matvælaaukefnisins pólýoxýetýlensorbítanmónóóleats (pólýsorbit 80, E 433).

(*) Þessi EB-gerð birtist í Stjtið. ESB L 173, 3.7.2012, bls. 8. Hennar var getið í ákvörðun sameiginlegu EES-nefndarinnar nr. 34/2013 frá 15. mars 2013 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

⁽¹⁾ Stjtið. ESB L 354, 31.12.2008, bls. 16.

⁽²⁾ Stjtið. ESB L 354, 31.12.2008, bls. 1.

⁽³⁾ Skýrsla vísindanefndarinnar um matvæli varðandi ýruefni, bindiefni, þykkingarefni og hleypiefni (15. ritröð, 1985).

⁽⁴⁾ COM(2001) 542, lokagerð.

⁽⁵⁾ Stjtið. ESB L 80, 26.3.2010, bls. 19.

Evrópuþingsins og ráðsins (EB) nr. 1333/2008 með því að koma á fót skrá Evrópusambandsins yfir aukefni í matvælum⁽⁶⁾ gildir II. viðauki, þar sem komið er á fót skrá Evrópusambandsins yfir matvælaaukefni sem samþykkt eru til notkunar í matvæli og skilyrði fyrir notkun þeirra, frá 1. júní 2013. Til að unnt sé að leyfa notkun pólýsorbata (E 432–436) í kókosmjólk fyrir þessa dagsetningu er nauðsynlegt að tilgreina fyrri gildistökudag að því er varðar þetta matvælaaukefni.

- 10) Því ber að breyta II. viðauka við reglugerð (EB) nr. 1333/2008 til samræmis við það.

- 11) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra og hvorki Evrópuþingið né ráðið hefur andmælt þeim.

SAMÞYKKT REGLUGERÐ ÞESSA:

1. gr.

Ákvæðum II. viðauka við reglugerð (EB) nr. 1333/2008 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 2. júlí 2012.

*Fyrir hönd framkvæmdastjórnarinnar,
forseti.*

José Manuel BARROSO

⁽⁶⁾ Stjtið. ESB L 295, 12.11.2011, bls. 1.

VIÐAUKI

Í E-hluta II. viðauka við reglugerð (EB) nr. 1333/2008 bætist eftirfarandi færsla við í matvælaflokki 04.2.4.1 „Aldina- og grænmetisblöndur, að undanskildu ávaxtamauki“ á eftir færslunni fyrir E 405:

„E 432–436	Pólýsorböt	500	(1)	Einungis kókosmjólk	Gildistími: Frá 23. júlí 2012“
------------	------------	-----	-----	---------------------	-----------------------------------